



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
Ո Ր Ո Շ ՈՒ Մ**

նոյեմբերի 2020 թվականի № Ա
քաղ. Երևան

**«Գ.ՍՈՒԱՐ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ «Գ.ՍՈՒԱՐ»
ԱՐԵՎԱՅԻՆ ԷԼԵԿՏՐԱԿԱՅԱՆՑ ԱՌԱՔՎՈՂ ԷԼԵԿՏՐԱԿԱՆ ԷՆԵՐԳԻԱՅԻ ՍԱԿԱԳԻՆԸ
ՍԱՀՄԱՆԵԼՈՒ ՄԱՍԻՆ**

Հաշվի առնելով, որ՝

- 1) Հայաստանի Հանրապետության հանրային ծառայությունները կարգավորող հանձնաժողովի (այսուհետ՝ Հանձնաժողով) 2019 թվականի օգոստոսի 21-ի N°311Ա որոշմամբ «Գ.ՍՈՒԱՐ» սահմանափակ պատասխանատվությամբ ընկերությանը (այսուհետ՝ Ընկերություն) տրամադրվել է Հայաստանի Հանրապետության Արագածոտնի մարզի Կարմրաշեն համայնքի վարչական տարածքում կառուցված «Գ.Սուլար» արևային էլեկտրակայանում (այսուհետ՝ Կայան) էլեկտրական էներգիայի (հզորության) արտադրության ԼԷN°0656 լիցենզիան (այսուհետ՝ Լիցենզիա), ինչի համար ի թիվս այլ փաստաթղթերի հիմք է հանդիսացել նաև որպես Կայանի կառուցման համար անհրաժեշտ ներկայացված 2019 թվականի հունիսի 5-ի էլեկտրաէներգետիկական համակարգին միացման N°ՏՊ-151-6(10)/0349 նախնական տեխնիկական պայմանը,
- 2) Ընկերությունը 2020 թվականի հոկտեմբերի 1-ին ներկայացրել է արտադրության փուլ անցնելու նպատակով Լիցենզիայում փոփոխություններ կատարելու մասին դիմում և սակագնի սահմանման (վերանայման) հայտ՝ ի թիվս այլ փաստաթղթերի կից ներկայացնելով նաև «Հայաստանի էլեկտրական ցանցեր» փակ բաժնետիրական ընկերության 2020 թվականի մարտի 5-ի էլեկտրաէներգետիկական համակարգին միացման N°ՏՊ-151-6(10)/0298 տեխնիկական պայմանը, համաձայն որի փոփոխվել

են բաշխման ցանցին Կայանի միացման լարման պայմանները՝ նախկին 35 կՎ-ի փոխարեն դառնալով 10 կՎ,

- 3) Հանձնաժողովը 2020 թվականի հոկտեմբերի 15-ի N°ՍՇ/34.1-Մ4-2/4336-2020 գրությամբ, հիմք ընդունելով իր 2013 թվականի նոյեմբերի 1-ի N°374Ն որոշմամբ հաստատված՝ էներգետիկայի բնագավառում գործունեության լիցենզավորման կարգի 46-րդ կետը և 25-րդ կետի 1-ին ենթակետը, մերժել է Ընկերության ներկայացրած՝ Լիցենզիայում փոփոխություններ կատարելու վերաբերյալ 2020 թվականի հոկտեմբերի 1-ին Հանձնաժողով ներկայացված դիմումը և, հիմք ընդունելով իր 2013 թվականի հոկտեմբերի 23-ի N°359Ն որոշմամբ հաստատված՝ էներգետիկայի բնագավառում սակագների սահմանման ու վերանայման կարգի 12-րդ կետի 3-րդ ենթակետը ուսումնասիրության չի ընդունել սակագնի սահմանման՝ հայտը,
- 4) Ընկերությունը 2020 թվականի հոկտեմբերի 19-ի դիմումով, ըստ էության, հայտնել է, որ վերացրել է Հանձնաժողովի հոկտեմբերի 15-ի N°ՍՇ/34.1-Մ4-2/4336-2020 գրությամբ նշված թերությունները, և կրկին խնդրել է համապատասխան փոփոխություններ կատարել Լիցենզիայում և սկսել սակագնի սահմանման հայտի ուսումնասիրությունը՝ նշելով, որ 2020 թվականի հոկտեմբերի 1-ին ներկայացված սակագնի սահմանման հայտով Հանձնաժողով ներկայացված փաստաթղթերում փոփոխություններ տեղի չեն ունեցել,
- 5) Հանձնաժողովը 2020 թվականի նոյեմբերի 2-ի N°ՍՇ/34.1-Մ4-3/4480-2020 գրությամբ, հիմք ընդունելով իր 2013 թվականի նոյեմբերի 1-ի N°374Ն որոշմամբ հաստատված՝ էներգետիկայի բնագավառում գործունեության լիցենզավորման կարգի 46-րդ կետը և 25-րդ կետի 1-ին ենթակետը, կրկին մերժել է Ընկերության ներկայացրած՝ Լիցենզիայում փոփոխություններ կատարելու վերաբերյալ 2020 թվականի հոկտեմբերի 19-ին Հանձնաժողով ներկայացված դիմումը և, հիմք ընդունելով իր 2013 թվականի հոկտեմբերի 23-ի N°359Ն որոշմամբ հաստատված՝ էներգետիկայի բնագավառում սակագների սահմանման ու վերանայման կարգի 12-րդ կետի 3-րդ ենթակետը ուսումնասիրության չի ընդունել սակագնի սահմանման՝ հայտը,
- 6) Ընկերությունը 2020 թվականի նոյեմբերի 6-ի հայտով, ըստ էության, հայտնել է, որ վերացրել է Հանձնաժողովի նոյեմբերի 2-ի N°ՍՇ/34.1-Մ4-3/4480-2020 գրությամբ նշված թերությունները, և կրկին խնդրել է համապատասխան փոփոխություններ կատարել Լիցենզիայում և սկսել սակագնի սահմանման հայտի ուսումնասիրությունը՝ նշելով, որ

2020 թվականի հոկտեմբերի 1-ին ներկայացված սակագնի սահմանման հայտով Հանձնաժողով ներկայացված փաստաթղթերում փոփոխություններ տեղի չեն ունեցել և ներկայացնելով սակագնի սահմանման հայտով դիմելու Ընկերության մտադրության մասին «Հայաստանի Հանրապետություն» թերթում և «Հրապարակ» օրաթերթում 2020 թվականի նոյեմբերի 6-ին հրապարակված նոր հայտարարությունները,

- 7) Ընկերությունը Հանձնաժողովի 2020 թվականի նոյեմբերի 12-ի №Ս/34.3-Մ2-7/4611-2020 գրությամբ տեղեկացվել է, որ 2020 թվականի նոյեմբերի 6-ին Հանձնաժողով ներկայացված՝ Կայանից առաքվող էլեկտրական էներգիայի սակագնի սահմանման հայտն ընդունվել է ուսումնասիրության,
- 8) 2020 թվականի հոկտեմբերի 6-ից գործող խմբագրությամբ Հանձնաժողովի 2015 թվականի ապրիլի 22-ի №88Ն որոշմամբ հաստատված՝ Հայաստանի Հանրապետության տարածքում վերականգնվող էներգետիկ ռեսուրսների օգտագործմամբ էլեկտրական էներգիա արտադրող կայաններից առաքվող էլեկտրական էներգիայի վաճառքի սակագների հաշվարկման մեթոդիկայի (այսուհետ՝ Մեթոդիկա) 3-րդ կետի 4-րդ ենթակետի «ա» պարբերության համաձայն՝ Մեթոդիկայի 7-րդ ենթակետի «բ» պարբերությամբ նշված և էլեկտրական էներգիայի արտադրության լիցենզիայով ամրագրված հաշվարկային հզորությամբ կառուցված կայաններից առաքվող էլեկտրական էներգիայի սակագինը՝ առաջին անգամ մինչև 2021 թվականի դեկտեմբերի 31-ը ներառյալ ժամանակահատվածում սահմանվելու պարագայում էլեկտրական էներգիայի արտադրության լիցենզիայի տրամադրման համար հիմք հանդիսացած՝ փաստաթղթերով ներկայացված կայանի կառուցման համար անհրաժեշտ հողատարածքի (բացառությամբ կայանը էլեկտրական էներգիայի բաշխման ցանցին միացման համար անհրաժեշտ օդային գծերի, հենասյուների, հաշվառման համակարգի, բաշխման ցանցին միացման կետում այլ օժանդակ սարքավորումների տեղադրման համար անհրաժեշտ հողատարածքի) փոփոխման (ընդլայնման) կամ էլեկտրական էներգիայի բաշխման ցանցին միացման լարման փոփոխման դեպքերում՝ սահմանվում է Մեթոդիկայի 3-րդ կետի 2-րդ ենթակետի «ա» պարբերության համաձայն համապատասխան ժամանակահատվածի համար ձևավորված մեծության և 0.9 գործակցի արտադրյալին հավասար,
- 9) Հանձնաժողովի 2013 թվականի հոկտեմբերի 23-ի №359Ն որոշմամբ հաստատված՝ էներգետիկայի բնագավառում սակագների սահմանման ու վերանայման կարգի 11-րդ

կետի համաձայն՝ Հանձնաժողովը հայտի ստուգման արդյունքների մասին գրավոր տեղեկացնում է հայտատուին՝ հայտը Հանձնաժողովում մուտքագրվելու օրվանից ոչ ուշ, քան 10 աշխատանքային օրվա ընթացքում:

Նույն կարգի 14-15-րդ կետերի համաձայն՝ հայտի ստուգման բացասական արդյունքի դեպքում հայտատուն, հայտնաբերված թերությունները վերացնելուց հետո, կարող է նոր հայտով դիմել Հանձնաժողով: Այդ դեպքում հայտատուն իրավունք ունի հղում կատարել նախկին հայտով ներկայացված փաստաթղթերին, եթե դրանցում ներկայացված տվյալները նոր հայտի ներկայացման պահին չեն փոփոխվել:

Հայտի ստուգման դրական արդյունքի դեպքում Հանձնաժողովը հայտն ընդունում է ուսումնասիրության,

10) Ընկերության կողմից ներկայացված՝ Կայանից առաքվող էլեկտրական էներգիայի սակագնի սահմանման հայտի ուսումնասիրության արդյունքում Հանձնաժողովը գտնում է, որ այդ սակագինը ենթակա է սահմանման ներկայումս գործող Մերթոդիկայի 3-րդ կետի 4-րդ ենթակետի «ա» պարբերության համաձայն, քանի որ տեղի է ունեցել Լիցենզիայի տրամադրման համար հիմք հանդիսացած՝ փաստաթղթերով ներկայացված՝ էլեկտրական էներգիայի բաշխման ցանցին միացման լարման փոփոխություն, և

հիմք ընդունելով «Էներգետիկայի մասին» օրենքի 17-րդ հոդվածի 1-ին մասի «ա» կետը, Հանձնաժողովի 2015 թվականի ապրիլի 22-ի N°88Ն, Հանձնաժողովի 2020 թվականի մայիսի 27-ի N°176Ն որոշումները՝ Հանձնաժողովը որոշում է.

1. «Գ.ՍՈԼԱՐ» սահմանափակ պատասխանատվությամբ ընկերության «Գ.Սոլար» արևային էլեկտրակայանից առաքվող էլեկտրական էներգիայի սակագինը սահմանել 21.891 դրամ/կՎտժ՝ առանց ավելացված արժեքի հարկի և 26.269 դրամ/կՎտժ՝ ներառյալ ավելացված արժեքի հարկը:
2. Սույն որոշումն ուժի մեջ է մտնում 2020 թվականի նոյեմբերի -ից և գործում է մինչև 2021 թվականի հուլիսի 1-ը:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀ՝**

Գ. ԲԱՂՐԱՄՅԱՆ